

مؤسسې : ابن السري
مصطفى نامق

مدیرې : ابن السري
احمد جودت

آسيان

أدبي، علمي، اخلاقي هفته لق مجموعه در

برنجي جلد

نومرو ۴

برنجي سنه

۵ رمضان ۱۳۲۶


۱۸ ايلول ۱۳۲۴

استانبول

محل اداره سي : جفال اوغلندء دائرة مخصوصه

مطبعة عامره

۱۳۲۴



ویرن بر نظر کز وارد رک ، بوهر درلو بولوطلردن آزاده نظر کزک معنای نکاهنده
اوافق برلرزش اندیشه حیات بیله فرق اولماز

دمین ، بردقیقه اول . انسانی بوغان ظالم کابوسلرله ، تحمیلکداز حالرله
محول بر حیات خسراک هچلکلی ایچنده اولورکن .. شیدی ، اوت بردقیقه
صوکره ، بوتون اوکابوسلر ، حالر ، زهرلر صانکه ناکهان وزان اولان برهوا
سمادته محو اولور ، قورویور ... آنک برینه بدیدیلرله ، هچلکلیله ، نورلرله
بر حیات نشئه دار ، متبسم و پرناز ، خندان و املنواز ، سربلیور ندر
بوتضاد غریبه حسیات ، ندر بوتأثیرات عجبیه حیات یارب ، ندر ؟ ...
بردقیقه اول اولک احتیاجیلرله تترکن ، بردقیقه صوکره یاشامق آرزوی شدیدله
چپرینان بومعمای قلب شباب ندر ؟ ... ندر بو حساسیت مریضه که بونحیف قلبی
باز بجه هوس اتخاذاشمش ؛ کاه صارصیور ، قیریور ، اولدیریور ... کاه اوقشایور ،
تیره تیور ، سوندیریور ... ندر بوعلت مزمنه که پیش چشمانده پنبه شفق لره ،
منورمهتا بلرله متوج برسمای صاف کبود تجلی ایتدیرکن ... اوت بردقیقه صکره ،
بوآسمان شعر منوری کشیف بولوطلره نظر سوز قارا کلقلره ، مظلم درینلکره
بوغیور ... ندر ، یارب ؟ ! .. بو صاف ، بومعزز ، بومسعود ، بومقدس مائیلیکی
بیرتان بو ظالم ، بومستبد ، بومفترس سیاهلق ندر ؟ ...

رائف نجمت

نیسان ، ۱۳۱۹

بچه

ظلمت ...

— اوکا —

هر طرفی آغیر ، ماتمی برسکون قاپلامش ؛ سما ، سیاه بولوطلره اورتونمش ، سسز
سسز شکایت ایدر کبی تنفس ایدیور ؛ کائنات ، ثقیل و غم آلود بر خواب غفلتله
اویویور ؛ هریر قراکلق ، هرشی قراکلق ، نه برضیا ، نه بر حرکت .. هچ برشی
کورونمیور ، هچ برشی ایشیدیلیور ... هرشی سکا ، هریر سندیرلکنه آغایوردی .
زهره ، بوش قالان بویرلره أشعه حسنی سر پدهک ایچون سر دافرینی مظلم

سمایاره لر آراسنده صاقلایه رق و جه نور آفراسنی قالین پرده لر آرقه سنده کیژلکه چالیشیوردی .

عاشق لرك والده تسلیم سازی ، نور پیری ایله پارلایان چهره صاف و علوبسنی
ابر الم قاپلایه رق ، سیمین صاچلرله مزین ییلاغیش باشی آغیر آغیر صالایه رق
سندسز لکیله برابر سنی ، هپ سنی اخطارایدن بویرلری کورمدمک ایچون یوکسک ،
پک یوکسک محیطلره قاچیور ، وسنک ایچون خونابه انسب آقیتان کوزلرینی سیاه
غازلرله سیله رک سیاه ، سیم سیاه تولرله اورته رک سنی بولمایه کیدیوردی .

کیجه ایله ده که قراکلی دهه زیاده کسب کثافت ایدیور ، طبیعت دهه اایم
بر حال آلیور ، اطراف اولوم صوغوقلنی احاطه ایدیور ، مزار قورقونجانی قاپلایوردی ،
قلم آکلاشیلز بر هیجان ایله ازبلیور . نظر لرم سببنی تعین ایدم مدیکم بر حسن هراس ایله
قورقونج بر شکل آلیور ، و بوقراکلی کیجه نک قویو قراکله غنده بر چول اورته سنده
اولم دیغمه دلالت ایدم جک بر ضیا کور بیلک ایچون باقیور ، متعادیا باقیوردم ، کوزلرم بر
مر کوزیت مطلقه ایله مظلم بر نقطه یه معطوف بلا حرکت دوریور . بکله یور ، بکله یوردم .
مبهم التماغرله جوال ضیالر ضاچه رق نجم امید کبی کاه بارلایوب کاه سونه رک
بردن طوتوشوب لحظه ده قارار هرق کهکشانیلر تنظیر ایدن سیغاره نک ، یوقلقده واراغنی
حسن ایتدیره رک ظلمته نورلر سرین - او مینی مینی فنارینک - کوچو جک آتشی
کوره بیلک ایچون سراب خولایه ره موقوف خیال اولدینم ، نچرمه مک اوکنده بوش
بر انتظار ایله بکله دم ، بکله دم .

اووخ بو واهی امید . . نه بر ضیا ، نه بر حرکت . . هیچ برشی کورونمیور ، هیچ
برشی ایشیدلمه یوردی . . درین بر بوشلق آجی بر کیمسه سزک ، بوتون جسمی احاطه
ایدم رک بنی اوکسوز دوشونجدرک اعماق یاسنده کدر آنکیز تصور لرله خیر پالایوردی ؛
وردای ظلمت آلتنده بوغولان بولانه تمینک قارشو سنده بوتینی بوکوک ، نازلی
لیلاقلرمله نور سز ، ضیاسز یاپ یالکیز قالمشدم .

نه بر ضیا ، نه بر حرکت . . هیچ برشی کورونمیور ، هیچ برشی ایشیدلمه یوردی . .
هرشی سکا ، هریر سندسز لکنه آغلایوردی .

فی ۲۷ نیسان سنه ۳۲۳ رضانیه نواره

